



ԵՎԱՏԱԹԵՈՍ ՍԵՐԱՍՏԱՑԻՆ, ԲԱՐՍԵՂ ՄԵԾԸ ԵՎ ՀԱՅԱՍՏԱՆՈՒՄ ՎԱՆԱԿԱՆՈՒԹՅԱՆ ԿԱԶՄԱՎՈՐՈՒՄԸ

Ըստ որոշ հեղինակների, վանականությունը Հայաստան է մուտք գործել Կապադովկիայից, Պոնտոսից և Փոքր Հայքից: Սուրբ Երեմիայի¹, օրինակ, վանականության տարածվելը Հայաստանում կապում է Եվատաթեոս Սեբաստացու հետ՝ ասելով. «...Եվատաթեոսը, որը ղեկավարում էր Սեբաստիայի եկեղեցին Հայաստանում, հիմնեց վանականների մի եղբայրություն Հայաստանում, Պափլագոնիայում ու Պոնտոսում և եղավ հեղինակը մի խիստ օրենսդրության...»: Թվում է, թե Սուրբ Երեմիայի իր մտքում ուներ ավելի շուտ Փոքր Հայքը, քան թե Մեծ Հայքը: Բայց շատ հավանական է, որ Եվատաթեոսի գործունեությունը, որն արագ տարածվեց Պոնտոսում, Պափլագոնիայում և Փոքր Հայքում, կարող էր տարածում գտնել նաև Մեծ Հայքում:

Եվատաթեոսը, ըստ Սուրբ Երեմիայի² և Սուրբ Երեմիայի³, Կեսարիայի Եվլալիոս եպիսկոպոսի որդին էր: Սակայն այդ ժամանակահատվածում նման անունով որևէ եպիսկոպոս չի հիշվում Կեսարիայում: Առաջարկվում է ընդունել Եվլալիոսին որպես Անտիոքի եպիսկոպոս և Եվատաթեոսի հոգևոր հայր, ոչ թե՝ մարմնավոր⁴: Ֆ. Լուֆսը⁵ նույնացնում է Եվատաթեոսին Սեբաստիայի այն եպիսկոպոսի հետ, որը Նիկիայի ժողովում պաշտպանեց Արիոսին: Գրիբոմանը⁶ համաձայն է Լուֆսի այս կարծիքին: Նա նշում է. «Այս վարկածը ավելի տրամաբանական հիմք է տալիս Եվատաթեոսի պատմությանը, որի ամբողջ գործունեությունը թվում է, թե տեղի է ունեցել Պոնտոսում և Հայաստանում»:

Եվատաթեոսն իր ուսումը ստացել էր Ալեքսանդրիայում և աշակցել էր Արիոսին, որի ապոկրիֆությունից երբեք չձերբապատվեց⁷: Աթանասը⁸ նշում է Եվատաթեոսի անունը այն եկեղեցականների շարքում, որոնց Անտիոքի Եվատաթեոս եպիսկոպոսը մերժեց ընդունել իր եկեղեցականների շարքում 330 թ.: Պ. Տեր-Պողոսյանը⁹ ասում է, որ շուրջ 326 թ. Եվատաթեոսը աքսորվում է Անտիոքի պատրիարքի կողմից և այդ թվականից՝ հետո հաստատվում Փոքր Հայքում: Եվատաթեոսը եզրափակում էր ժամանակ ծանոթացել էր այնտեղի ճգնափորական և վանական շարժումներին¹⁰: Գրիբոմանը¹¹ չի համաձայնվում այս տեսակետին: Նա նշում է. «...Հաճախ հաստատել են, որ նա Ալեքսանդրիայում ենթարկվել է եզրափակված վանականության ապոկրիֆությանը, բայց դա ապացուցելը այնքան էլ հեշտ չէ: Նա հարում է ավելի շատ այն հոսանքներին, որոնք այդ նույն ժամանակաշրջանում դրսևորվում էին Սիրիայում և Միջագետքում»:

Բարսեղ Կեսարացին, որպես Եվատաթեոս Սեբաստացուն հետևող, նրա կողմից ուղարկվեց Եզրափակում և Ասորիք՝ տեղի վանական շարժումներին անձնապես ծանոթանալու: Այս իրողությունը վկայում է այն, որ Եվատաթեոսը ծանոթ էր այդ շարժումներին Եզրափակումում:

Նեոկեսարիայի ժողովում, երբ նա տակավին երեց էր, քննադատվեց և եկեղեցուց դուրս հանվեց կանոնավոր եկեղեցական պոետներ չհագնելու պատճառով¹²: Փոքր Հայքում հաստատվելուց հետո Եվատաթեոսը այնտեղ հեղինակավոր դեմք դարձավ, և շատերը հետևեցին նրան:

* Հայկազուն արքեպիսկոպոսի վարդապետական թեկից մի հատված:

Հավանական է, որ Եվստաթեոսը ծագումով հայ էր: Գրիգոր Նապիապանցին¹³ նրան կոչում է «...Armenius plane barbarus est»: Գրիգոր Նյուսացին¹⁴ իր «Ընդդեմ Եվսեմեոսի» աշխատության մեջ ասում է. «...ἡ ἁρχὴ τῆς Ἀρμενίας ἔστιν ἡμεῖς. Բարսեղն¹⁵ իր նամակում, ուղղված Եվստաթեոսին, Հայաստանը ներկայացնում է որպես իր հայրենիքը (նրա ծնողները Պոնտոսից էին)՝ հավանաբար շեջտելու համար, որ ինքը ծանոթ էր այդ վայրերի սովորություններին և մի տեսակ ուզում էր իր ուսուցչին համերկրացի ցույց տալ: Գանգրայի ժողովի կանոններին կցված նամակը ուղղված է հայ եպիսկոպոսներին¹⁶: Սա ցույց է տալիս, որ Եվստաթեոսը մեծ համբավ էր վայելում Փոքր Հայքում, և այդ իսկ պատճառով այդտեղի եպիսկոպոսները պաշտպանում են: Գրիգորմանը¹⁷ հաստատում է այս՝ նշելով. «Եվստաթեոսը հայ է. հանրային կարծիքը նրա երկրում գուցե սկսել էր պաշտպանել նրան...»:

Եվստաթեոսի ազդեցությունը վանականության վրա, իր աշակերտների միջոցով, տարածվեց իր ծննդավայրի սահմաններից այն կողմ: Բարսեղ Կեսարացին այս աշակերտներից ամենանշանավորն էր: Երբ Բարսեղ Մեծը վերադառնում է Աթենքից 357 թ., գրավվում է Եվստաթեոսի վանական գործունեությամբ: Վերջինիս խորհրդով Բարսեղը այցելում է Եգիպտոսի, Ասորիքի և Միջագետքի վանքերը¹⁸, իր վերադարձից հետո ինքն իրեն նվիրում վանական կյանքին Պոնտոսում, որտեղ նրան այցելում է Եվստաթեոսը¹⁹: Եվստաթեոսի ազդեցությունը պզալի է Բարսեղի սկսբնական գործերում²⁰: Սեբաստիայի եպիսկոպոսը լինելուց հետո (357 թ. առաջ) Եվստաթեոսը հիմնում է մի միաբանություն և իր հետևորդներից Ալեքսանդրին նշանակում է վանահայր²¹: Ավելի ուշ, երբ Բարսեղը կամենում է հիմնել նման մի եղբայրություն, Եվստաթեոսը ուղարկում է իր ուսանողներից երկուսին՝ օգնելու համար Բարսեղին իր աշխատանքում²²: Բարսեղը, երբ տակավին լավ հարաբերություն ուներ Եվստաթեոսի հետ, նրան դիմում է որպես մեկին, որը գերազանց է մարդկանց մեջ՝ «...μετὰ τῶν καὶ ἀνδρῶν»:

Բացի Բարսեղից և Կապադովկիայում գրող Եվստաթեոսի աշակերտներից, մենք վկայություններ ունենք նաև Եվստաթեոսի այլ հետևորդների մասին: Սուպոմենը²⁴ վկայում է, որ Մակեդոնիոսը Եվստաթեոսի թելադրանքով ձգնավորական ապրելաձևը որդեգրել և Կ. Պոլսում հիմնել է մի վանական հաստատություն, որը գոյություն ուներ Սուպոմենի ապրած ժամանակաշրջանում:

Հիպատիոս Փոյուգիացին²⁵, որը Կ. Պոլսում 404—446 թթ. մի նշանավոր վանքի վանա-

հայրն էր (Կաղնու մենաստան), եկել էր Թրակիայի մի մենաստանից, որը հիմնել էր Հովհան անունով մի փնիկոր, որ Հայաստանից էր և Եվստաթեոսի հայրենակիցը: Եվստաթեոսի ազդեցությունը վանականության վրա պզալի էր մինչև 7 դարի վերջերը, երբ հերետիկոսական ուղղությունները²⁶ նրա տարածած հեղափոխական գաղափարներով գրավվել էին, ինչպես օրինակ, մակեդոնականները, ապա նաև մծղնեականները:

Գանգրայի ժողովի կանոնները²⁷ մեզ կարելի էր տեղեկություններ են տալիս Եվստաթեոսի և նրա հետևորդների վանական գործունեության մասին: Նրանք այս ժողովում դատապարտվում են ծայրահեղ ձգնավորության պատճառով, որը վտանգում էր Եկեղեցու դիրքը, քանի որ նրանք գտնում էին, որ ամուսնացած մարդիկ փրկության հույսից պղծվում են, այնպես որ դրանով քաջալերում էին կուսակրոնությունը բոլորի համար²⁸: Նրանք մերժում էին ներկա գտնվել կամ մասնակից լինել պատարագներին, որոնք կատարվում էին ամուսնացյալ քահանայի կողմից: Պահք էին պահում կիրակի օրերին և ուտում այն օրերին, որոնք Եկեղեցին վերապահել էր պահքին²⁹: Անտարբեր էին դեպի վանականի սքեմը³⁰: Ոմանք միա երբեք չէին ուտում³¹: Իրենց սրբակեցության պատճառով («...κατ'εξοχήν») նրանք ցանկանում էին, որ Եկեղեցին իրենց բաժին հանի ընծա տրված պտղից: Արհամարհում էին այն վայրերը, որտեղ մարտիրոսների մասունքներ էին պահվում, ինչպես նաև նրանց, ովքեր հավաքվում էին այնտեղ աղոթելու³²: Կանայք կտրում էին իրենց մազերը և հազում ողամարդկանց պգեստներ: Նրանք քաջալերում էին ստրուկներին, որոնք հեռանում էին իրենց տերերից³³: Եվստաթեոսականները իրենց ապրելակերպով քննադատում էին աշխարհիկ իշխանություններին և մերժում տիրող ընկերային կառուցվածքը: Միաժամանակ նրանք ընդդիմանում էին պաշտոնական Եկեղեցուն, որը 313 թ. և հատկապես 325 թվականից հետո, աշխատում էր ինքն իրեն ներկայացնել ոչ միայն որպես հոգևոր իշխանություն, այլև՝ աշխարհիկ: Այս պատճառով նրանք իրենք իրենց համարում էին Քրիստոսի ճշմարիտ հետևորդներ՝ մերժելով Եկեղեցու կողմից հաստատված օրենքները:

4-րդ դարում Հայաստանի վանականության մասին վկայությունները շատ աղքատ են: Հայաստանի վանականության վրա Եվստաթեոսի ունեցած ազդեցության մասին որոշակի փաստեր չունենք: Սրա պատճառներից մեկն այն է, որ 5-րդ դարի մեր մատենագիրները մեծ հարգանքով էին նայում Բարսեղին, մինչդեռ Եվստաթեոսը, որը հռչակվել էր հե-

րետիկոս, աննկատ էր թողնվել: Սակայն անուղղակի ակնարկությունների վրա հիմնվելով՝ գուցե հնարավոր է մի կուգահեռ անցկացնել այդ ժամանակահատվածում Մեծ Հայքում, Փոքր Հայքում և Պոնտոսում տիրող վանական դրության մասին:

Հուսկը իր երկվորյակ որդիների ծննդից հետո չի մոտենում իր կնոջը, բայց շարունակում է ապրել նույն հարկի տակ³⁴. սա մի արարք էր, որը դատապարտվել էր Գանգրայի ժողովում³⁵:

Տեսանք, որ եվստաթեոսականները չէին հարգում մասունքներն ու վկայարանները: Նույնը կարելի է ասել նաև Շաղիտայի և Դանիելի պարագային, որովհետև փաստարկ էր բերվում, որ «եթե տերունական մարմինը երկու օր գերեզմանում ծածկվեց մինչև երրորդ օրը, երբ բարձրացավ իր Հոր մոտ, որչափ ավելի պետք է, որ մեր մարմինները հողի տակ ծածկվեն»³⁶:

Վրթանեսի կաթողիկոսության շրջանին (333—341) պարսիկների դեմ մղված ճակատամարտերից մեկում ծանր կորուստներ են տալիս հայերը, որոնց թվում էր նաև սպարապետ Վաչե Մամիկոնյանը:

Այս ծանր կորստի առթիվ Վրթանեսը կանոն է հաստատում, ըստ որի ամեն տարի Աստուծո սուրբ Սեղանի առջև պատարագի ընթացքում, սրբերին հիշատակելուց հետո, պետք է հիշվեն նաև նրանք: Քանիցս Վրթանեսը հիշում է, որ նրանք գոհվեցին պաշտպանելու համար մեր հավատը և մարտիրոսների վկայարանները հեթանոսներից³⁷: Պաշտոնական Եկեղեցին Հայաստանում ընդունում է նահատակների մասունքների պաշտամունքը և հարգանքը դեպի նրանց վկայարանները, սակայն այս դեպքում հայրենաւեր մեծ Հայրապետը ազգային սրբերին էլ է տեղ հատկացնում պատարագի ընթացքում հիշատակվող սրբերի շարքում, այսպիսով առավել ևս տարածելով հարգանքը հավատի համար ընկածների մասունքների և նրանց հիշատակին կառուցված վկայարանների նկատմամբ:

Երուսաղեմի պատրիարք Մակարիոսի (312—333) նամակից, ուղղված Վրթանես կաթողիկոսին, երևում է, որ Հայաստանում այդ ժամանակաշրջանում եղել են արիոսական եպիսկոպոսներ, և Տուրկասը հիշվում է որպես մեկը նրանցից³⁸: Ըստ Եպիփանի³⁹, Եվստաթիոսը, գալով Եգիպտոսից, հաստատվում է Փոքր Հայքում և շատերին մոլորեցնում. «...» *Ἦν Ἰὰρ ἀπὸ τῆς μικρᾶς Ἀρμενίας, ὧς ἔφην, ὁρμώμενος, τῶν Σατάλης πλῆθειον τόπων. ἐπα-
velθὼν εἰς τὴν αὐτοῦ πατρίδα, πολλοὺς ἔχρανε
τῆς αὐτῆς μικρᾶς Ἀρμενίας, προσφθαρσίς τισι.*»⁴⁰

Բնական է, որ գոյություն ուներ կապ Փոքր Հայքի և Մեծ Հայքի արիոսականների միջև ու այս էլ հենց պատճառ էր լինելու, որ Մեծ Հայք թափանցեին նաև Փոքր Հայքում գրտնրվող վանական շարժումները:

Ինչպես երևում է Մակարիոսի նամակից⁴⁰, Հայաստանում այդ ժամանակաշրջանում եպիսկոպոսի բացարձակ հեղինակությունը ամենուրեք չի ընդունվել ժողովրդի կողմից: Եվստաթեոսն էլ իրեն բոլոր հետևողներին համարում էր հավասար: Եվստաթեոսը քաջալերում էր հագնել փիլիսոփաների թիկնոցը: Ներսես Մեծի մահից հետո (373) Աղբիսոսի տնից Ջավեն եպիսկոպոսը, ապա, նրան հետևելով, Շահակ և Ասպուրակես կաթողիկոսները մի նոր սովորություն են հաստատում Հայ Եկեղեցում՝ համոզելով քահանաներին կրել պինդորական հագուստներ. «Նրանք թողին առաքելական եկեղեցիների սովորությունը... քահանաներն այլևս չէին հագնում պզդնավորներ, ինչպես ի բնե սովորություն էր; այլ սկսեցին խոտոր կտորներ գործածել մինչև ծնկները»⁴¹:

Թեև Եվստաթեոսը այս սովորությունը թողել էր Գանգրայի ժողովում քննադատվելուց հետո, բայց հնարավոր է, որ նրա հետևորդները այն պահած լինեին բավականին երկար:

Հայոց Արշակ Բ թագավորը շուրջ 366 թ. հիմնադրում է Արշակավան քաղաքը և այն մարդաշատ դարձնելու նպատակով մի հրովարտակ է հրապարակում, որ բոլոր չարագործները ազատ կլինեն իրենց հանցանքներից, եթե գան և բնակվեն այդ քաղաքում: Ասվում է, թե շատ կանայք, թողնելով իրենց ամուսիններին, գալիս ու հաստատվում են այնտեղ: Շատ ամուսիններ, լքելով իրենց կանանց, գալիս են այնտեղ: Ծառաները, հափշտակելով իրենց տերերի գանձերը, հաստատվում են այնտեղ: Չարագործների շարքերում հիշվում են ստախոսներ, զրպարտողներ, խաբեբաներ, դատի մեջ ստողներ⁴²: Եթե նկատի առնվի, որ Եկեղեցին այս ժամանակաշրջանում իր ձեռքում էր կենտրոնացրել դատական իշխանությունը⁴³, նաև այն, որ Ներսես Մեծը Աշտիշատի ժողովում նաև աշխարհականներին վերաբերող բարեկարգական որոշումներ էր հռչակել, պարզ է դառնում, որ Արշակի քայլը ուղղված էր նաև պաշտոնական Եկեղեցու դեմ: Հավանաբար նույնիսկ կային որոշ եկեղեցականներ, որոնք դժգոհ էին Ներսես Մեծի բռնած ուղղությունից, և Արշակը նրանց կարող էր օգտագործել:

Վերևում նշված կետերը հիշեցնում են Եվստաթեոսի ուղղության որոշ գծեր: Գուցե և կարելի է եկրակացնել, որ Եվստաթեոսի

շարժումը այս տեսանկյունից էլ որոշ ազդեցություն է ունեցել Մեծ Հայքում:

Արշակ Բ-ը, երբ հաջորդեց իր հորը՝ Տիրանին, բյուզանդական կողմնորոշում ընդունեց, և Ներսեսի կաթողիկոսանալը (շուրջ 353 թ.) պետք է այս լույսի տակ դիտել⁴²:

Ներսեսը Հուսիկ կաթողիկոսի թոռն էր և որդին Աթանազիոսի⁴³: Նա աշխարհիկ կյանք էր վարել և ամուսնացել Վարդան Մամիկոնյանի դստեր՝ Սանդուխտի հետ: Շուրջ 348 թ. այդ ու կին, ինչպես երևում է, իրենց ուսումը շարունակելու համար եղել են Կեսարիայում⁴⁴:

Օրմանյանը⁴⁷, գտնելով, որ Ներսես Մեծը տարեկից է Բարսեղին, Գրիգոր Նյուսացուն և Նափապանցուն, հավանական է համարում, որ նա նրանց հետ ուսում առած լինի Կեսարիայում: Սակայն Բարսեղի ազդեցությունը Ներսեսի վրա պետք է թողնվի Ներսեսի կյանքի վերջին տարիներին:

Բարսեղը Աթենքում ստացել է աշխարհիկ կրթություն: Երբ վերադարձել է Կապադովկիա (357), սկսվում, որոշ ժամանակ, պաշտվել է փիլիսոփայության դասեր տալով: Աստիճանաբար նա Եփեսոսի ազդեցության տակ վանական կյանքի է անցել և 360-ական թվականներից սկսած մեծ համբավ է վայելել որպես ազդեցիկ հեղինակություն: Այդ համբավը առավել ևս տարածվել է Կեսարիայի եպիսկոպոս դառնալուց (370) հետո:

Բուպանդը⁴⁸, երբ ներկայացնում է Ներսեսի կյանքը, կարծեք գրում է՝ հետևելով Բարսեղի վարքին: Ա. Սարգսյանը⁴⁹ եկրակացնում է. «Բուպանդ՝ բերանացի սերտած կերևի սուրբ Բարսղի վարքն... Բյուզանդացվոյն գրիչն անսանձ կարջալե և կարծես Ս. Բարսղի պատմությունը կթարգմանե մեզի»: Բուպանդը, ցույց տալու համար, որ Ներսեսը Բարսեղ Մեծի ձգնարիտ հետևորդն է եղել, Ներսեսին կապում է Բարսեղի հետ շատ վաղ շրջանից: Ըստ նրա, Բարսեղը, որպես քահանա, ներկա էր Կեսարիայում Եփեսոսի կողմից Ներսեսի եպիսկոպոսական ձեռնադրությանը: Եփեսոսում Կեսարիայի եպիսկոպոս էր եղել 362 թ., Բարսեղը քահանա էր դարձել 364 թ., իսկ Ներսեսը եպիսկոպոսացել էր 353 թ.:

Այս մանրամասնությունները կարևոր են, որովհետև սրանցից կարելի է եկրակացնել, որ Ներսես Մեծը իր կաթողիկոսության առաջին տասը տարիներին Եփեսոսի ազդեցության տակ պետք է եղած լիներ, որը թեև եպիսկոպոս էր ձեռնադրվել 357 թ., բայց 340-ական թվականներից արդեն հեղինակություն էր Փոքր Հայքում, Պոնտոսում և Կապադովկիայում:

Ներսեսը, ստանալով աշխարհիկ կրթու-

թյուն, փնտրականի կոչումով ծառայում է արքունիքում որպես Արշակ Բ-ի սենեկապետը: Հավանաբար իր կնոջ վաղաժամ մահն է Ներսեսի մեջ առաջացրել եկեղեցական դառնալու ձգտումը: Բուպանդը⁵⁰ հող է պատրաստում այս ուղղությամբ, երբ ասում է. «Նա դեռևս երբ փնտրական տեսքով էր, ներքուստ Քրիստոսի պատկեր էր կրում և ասվական վարք ու բարք էր իր մեջ մարմնավորում»: Պարզ է, որ փնտրական կրթություն ստացած որևէ անձնավորություն պետք է մտածեր կարգ ու կանոնի մասին, ինչպես Պախումը՝ Եգիպտոսում, այնպես էլ Ներսեսը՝ Հայաստանում: Նրա առաջին գործը լինում է ժողով գումարել Աշոխատում և կանոններ սահմանել թե՛ եկեղեցու և թե՛ աշխարհականների համար. «...Կապանկերպեցին և Հայոց աշխարհի ամբողջ ժողովուրդը դարձրին իբրև վանականների մի ընդհանուր միաբանություն, բացի ամուսնությունից»⁵¹: Նա օրենքներ է հիմնում բորոտների, ախտավորների, հաշմանդամների համար, ինչպես նաև պատարաններ՝ աղքատների համար: Եկեղեցու կարգերը շատացնում է շեն ու անշեն տեղերում և կրոնավորների թիվը բազմացնում: Խորենացին⁵² այս մասին գրում է. «Շիներ և յանապատ և յանմարդ տեղիս եղբայրանոցս և մենաստանս և յատկանձակաց խրճիթս...»: Հետևաբար, ըստ Խորենացու, Ներսես Մեծի ժամանակ վանականության երեք տեսակներն էլ գոյություն ունեին՝ Հայաստանում՝ ձգնարաններ, միայնաց հետ թույլ կապ ունեցող մենաստաններ և կապակերսված վանքեր:

Ըստ Ներսեսի վարքի⁵³, նա մնում է Սեբաստիայում և նույնիսկ այնտեղ եկեղեցիներ է կառուցում: Սա կարելի է համարել Ագաթանգեղոսի ազդեցությունը և կամ ավելի ուշ շրջանի հավելում, այսինքն՝ շուրջ ԺԱ դարերի, երբ հայերի թիվը շատացավ Սեբաստիայում: Գուցե դա արձագանքն է Ներսեսի Նեոկեսարիայում մնալու (368—370 թթ.), մինչև բյուզանդացիների օգնությամբ Հայաստանի գահին Պապի հաստատվելը⁵⁵: Նույն վարքի հեղինակը նշում է, որ Ներսեսի ձեռնադրությունից առաջ ձգնավորները Հայաստանում ապրում էին քաղաքներում և կողերում՝ ընտանիքների մեջ: Սա Ներսեսի գոյության անհարմար է նկատվում, և նա հրամայում է առանձին բնակելի շենքեր կառուցել եղբայրների համար: Եթե վարքի հեղինակը պարզապես չի արձագանքում այլ դեպքերի, ապա այդ նշանակում է, որ Ներսեսից առաջ Հայաստանում ձգնավորական շարժումը նման էր Արևմուտքում Եփեսոսի շարժմանը, իսկ հարավում՝ Մար Ավգինի շարժմանը:

Նախքան Ներսեսի գործունեության անցելը անհրաժեշտ է լուսաբանել Բարսեղ Մեծի դիրքը Հայաստանի նկատմամբ: Ոմանք գտնում են, որ Հայաստանը ի հոգևորս այս շրջանում ենթակա էր Կապադովկիայի եպիսկոպոսին: Եթե դա ճիշտ է, ապա վանականությունը Հայաստանում վաղ շրջանում պետք է ազդված լիներ Բարսեղի գործունեությունից: Այս կապակցությամբ տեղեկություններ ստանալու համար առաջին հերթին պետք է դիմել հենց Բարսեղի նամակներին: Բարսեղի այն նամակները, որոնք առնչվում են հայերի հետ, կարելի է տեղադրել 372—76 թվականներին:

Արևելքում բյուզանդական զորքերի հրամանատար Տերենտիոսին⁵⁶ ուղղված Բարսեղի նամակից հստակ է, որ Բարսեղին կայսեր կողմից հանձնարարվել էր Հայաստանում եպիսկոպոսներ նշանակել: Սա կարևոր կետ է: Նշանակում է, որ Բարսեղն ինքը իշխանություն չուներ ոչ Փոքր Հայքի, ոչ էլ Մեծ Հայքի վրա: Դրանք իր իրավասություններից դուրս էին⁵⁷: Ըստ Նիկիայի ժողովի կանոնների, մի եպիսկոպոս իրավունք չուներ խառնվելու իր իշխանությունից դուրս գտնվող ծխերի խնդիրներին: Հավանաբար հայերի կողմից Բարսեղի քայլը նկատվել է ոտնձգություն: Սա կարելի է բացատրել ներքինով, թե ինչու Թեոդոտոսը՝ Նիկոպոլիսի եպիսկոպոսն ու Փոքր Հայքի միտրոպոլիտը, մերժեց Բարսեղին օգնել իր այդ աշխատանքում⁵⁸: Բարսեղը նշում է, որ Թեոդոտոսը մերժել է իրեն օգնել աստվածաբանական պատճառներով և բողոքում է Տերենտիոսին. ինչպե՞ս հնարավոր էր ինձ... կատարել իմ վրա դրված հրամաններից որևէ մեկը... երբ իմ գործընկերը այս աշխատանքում (Թեոդոտոսը) իմ նկատմամբ այսպես է տրամադրվել...: Այս շրջանում հայոց լեզուն և ավանդությունները աշխույժ էին Փոքր Հայքում: «... (Թեոդոտոսի) ծխում կան աստվածավախ և գիտուն մարդիկ, որոնք վարժ են այդ ժողովրդի լեզվին և այլ յուրահատկություններին...»: Բարսեղն ասում է, որ թեև ինքը գիտի անունները այդ մարդկանց, որոնք կարող էին օգնել իրեն, բայց չի ուզում թվել, որպեսզի, եթե ապագայում Հայաստանում կրկին հարց ծագի այդ աշխատանքները կատարելու, նրանք կարողանան օգտակար լինել: Առաջին հայացքից վերևի հատվածը այն տպավորությունն է թողնում, թե Բարսեղին հրամայվել էր եպիսկոպոսներ նշանակել Մեծ Հայքում: Բայց այդպես չէ: Ինչպես երևում է, Բարսեղը Հայաստան անելով՝ հասկանում է Փոքր Հայքը: Նույն նամակում Բարսեղն ասում է, որ ինքը «...հետաքրքրեց այն մեղադրանքը, որ ծանրացել էր

մեր կյուրեղ եղբոր՝ Հայաստանի եպիսկոպոսի վրա... և թվում է, թե որոշ չափով կարողացանք հաշտեցնել Սատաղի աշխարհականներին նրա հետ...»: Այնպես որ Բարսեղի «Հայոց եպիսկոպոս» արտահայտությունը ակնարկ է Սատաղի եպիսկոպոսի մասին՝ Փոքր Հայքում: Մի ուրիշ նամակում, ուղղված Սամոսատի Եվսեբեոս եպիսկոպոսին⁵⁹, Բարսեղն ասում է, թե նրա նամակն ինքը ստացել է «ἐν τῇ γειτονίᾳ χώρα τῆς Ἀρμενίας»: Սա ակնարկ է Փոքր Հայքին վերաբերող: Մեկ այլ նամակում⁶⁰ ասում է, թե «Ֆրոնտոն» կես արիոսական եպիսկոպոսը, ամբողջ Հայաստանի համար զավեյի դարձավ»: Ֆրոնտոն Նիկոպոլիսի եպիսկոպոսն էր Փոքր Հայքում: Բարսեղի երեք նամակները առնչվում են Փավստոսի ոչ կանոնական ձեռնադրության խնդրանքին: Մելետիոսին (Անտիոքի ուղղափառ եպիսկոպոսը, որ աքսորվել էր Փոքր Հայք) ուղղված նամակում⁶¹ Բարսեղը գանգատվում է, թե Անթիմոսը (Կապադովկիայի մի մասի (Secunda) եպիսկոպոսը 371 թ.) ձեռնադրել է Փավստոսին եպիսկոպոս՝ կյուրեղի փոխարեն, «առանց վկայագրեր ունենալու»: Նիկոպոլիսի եպիսկոպոս Թեոդոտոսին ուղղված նամակում⁶² Բարսեղը նույն հարցով գանգատվում է, այս անգամ ավելի մանրամասն ձևով: Նա ասում է, թե Փավստոսը եկավ՝ հետը բերելով «...մի նամակ մի ոմն Պապից...»: Եթե սա ակնարկ է հայոց Պապ թագավորի մասին, այդ նշանակում է, որ Պապը աշխատում էր նշանակել հոգևորականներ Փոքր Հայքում իր ընտրությամբ: Որ Փավստոսը Փոքր Հայքի մի ծխում էր նշանակվել, երևում է այն խոսքերից, որ Բարսեղն ասում է հստակորեն, թե ինքը սպասում էր վկայագիրը Նիկոպոլիսի Թեոդոտոս և Սատաղի Փոյմենիոս եպիսկոպոսներից:

Մի այլ նամակում, ուղղված խալապցիներին⁶³, Բարսեղը հիշում է եպիսկոպոսների, որոնք աստվածաբանական հարցերում համամիտ են եղել իր հետ: Այս եպիսկոպոսների շարքում ունենք Խոսրով, Սահակ և Ներսես անունները, որոնք արևելյան անուններ են և բավականին տարածված այդ ժամանակաշրջանում, հետևաբար կարելի չէ ձշտել նրանց ինքնությունը:

Հարևանցի այլ ակնարկներ էլ կան Փոքր Հայքի մասին. օրինակ, 195-րդ նամակը ուղղված է «Ἐφρονίω ἐπισκόπῳ Κολωνίας» Բարսեղին: 278-րդ նամակը, հասցեագրված ոմն Վալերիայի, խոսում է Բարսեղի Փոքր Հայքի Օրֆանենե քաղաքը կատարած այցելության մասին: 114-րդ նամակում հիշված է «Ἀρμενίας τῆς τετραπόλεως»:

Այս բոլոր փաստերից երևում է, որ Բարսեղը եպիսկոպոս լինելուց հետո (370) գոր-

ծոն մասնակիցն էր դարձել Փոքր Հայքի եկեղեցական իրադարձությունների: Հետևաբար նրա ազդեցությունն էլ Մեծ Հայքում պետք է պզալի դառնար այս թվականներին, մանավանդ երբ նկատի առնենք Հայաստանում հաստատված խաղաղությունը բյուզանդական միջամտության շնորհիվ:

Այս ժամանակաշրջանում (370—373) Ներսես Մեծը աշխատում է վերակազմակերպել Հայ եկեղեցին, որը տուժել էր պարսիկների արշավանքներից: Ըստ Բուզանդի, Ներսեսը վերաշինում է կործանված բոլոր վայրերը Հայաստանում⁶⁴. «...Ամեն տեղ եկեղեցիներ էր շինում, ավերակները նորոգում, բոլոր խանգարված կարգերը վերականգնում և ուղղում: ...Նա ջատագրեց (եկեղեցու) պաշտոնյաների թիվը, ամեն տեղ տեսուչ-եպիսկոպոսներ դրեց...»:

Ահա այս շրջանակի մեջ պետք է տեսնել Բարսեղի ազդեցությունը և Ներսես Մեծի բարենորոգչական աշխատանքները:

Ըստ Խորենացու⁶⁵, Ներսեսը վանքերի վանահայրեր և ղեկավարներ է նշանակում Շաղիտային, Եփրեմին, Գինդին, իսկ Խաղին, որն իր անձնական սարկավազն էր, նշանակում է վերատեսուչ իր հիմնած բոլոր օթեվաններին: Բուզանդ⁶⁶ ավելի շատ տեղեկություններ է տալիս Խաղի մասին: Ներսեսը Բյուզանդիա գնալուց առաջ եպիսկոպոս է ձեռնադրում Խաղին Բագրևանդի և Արշարունիքի վրա և որպես իր տեղապահը թողնում է նրան Հայաստանում: Խաղը քննադատվել է ձիերի և հագուստների հանդեպ թույլություն ունենալու պատճառով: Հետագայում նա տեղի տալով՝ հրաժարվում է դրանցից և հագնում վանական սքեմը: Խաղն ա-մուսնացած էր և երկու աղջիկ ուներ, բայց մենք չգիտենք՝ կինը մահացել էր, թե՛ ոչ նրա եպիսկոպոս լինելուց առաջ⁶⁷:

Եպիսկոպոս⁶⁸, որը Շաղիտայի ընկերն էր և աջակցել էր Դանիելին, Ներսեսի մահից հետո ապրել է Շուփքում՝ Մամբրեի անապատում, մի անձավի մեջ, վայրի գազանների հետ միասին: Նա այդ շրջանը վանականներով է լցնում և նշանակում ուսուցիչներ, ապա անցնում է Աղձնիք, որտեղ նույնպես հիմնում է բազմաթիվ վանքեր: Նրան պետք է նկատել հունական ազդեցության ներկայացուցիչ: Այս խստակրոն վանականների մեջ կային մարդիկ, որոնք իրենց մանկությունից իսկ, բացի բանջարեղենից և ջրից, ուրիշ բան չէին կերել: Հետագայում Եպիսկոպոսը, վերցնելով իր հետևորդներից 500 հոգի, անցնում է Բյուզանդիա և գնում մի անապատ կղզի: Սա ցույց է տալիս, որ Բուզանդը օգտվել է ժողովրդական պրոպագանդիկ և ավանդություններից:

Դանիել Մեծի աշակերտներից է նաև Գինդը⁶⁹, որը Դանիելի մահից հետո հաջորդում է նրան իբրև արեղանների գլխավոր, միայնակացների վարդապետ և առաջնորդ, վանքերի վերակացու, բոլոր անապատականների ուսուցիչ «...և առհասարակ տեսուչ այն բոլոր մարդկանց, որոնք Աստուծո սիրո համար հրաժարվել էին աշխարհից և բնակվում էին անապատներում՝ հաստատվելով քարանձավներում, այրերում ու երկրի քարածերպերում»: Նրանք ունեին միայն մի զգեստ և կերակրվում էին խոտով, բանջարեղենով ու արմատներով: Նրանք ապրում էին առանց խնամքի և դարմանի, առանց աշխարհիկ հագուստի: Նրանք չարչարվում, տառապում էին անապատում, իրենց մարմինները ենթարկում ցրտի ու տոթի, քաղցի ու ծարավի, և այս բոլորը նրա համար, որպեսզի փաստեն, թե մարմնական հանգիստը իրենց համար կարևորություն չունի, այլ Աստուծո սերն է կարևոր: Մենք ունենք նաև այլ վանականների անուններ, ինչպես՝ Վաչագը, Արտույտը, Մարախը և Տրդատը: Վերջինս հաստատվել էր Տարունում, որտեղ եղբայրանոցներ էր հիմնել: Գինդը հաստատվել էր Ոսկիք կոչված շրջանում, որտեղ ապրել էր Լուսավորիչը իր կյանքի վերջում: Նա իր մոտ էր պահում իր աշակերտներից Մուշեին, իսկ մյուսները շրջում և քարոզում էին ամենուր: Ըստ Բուզանդի⁷⁰ Պապը կործանել էր Ներսես Մեծի կառուցած բոլոր օթևաններն ու վանքերը: Պապ թագավորը «հրամայում է այս կուսանոցներն ավերել և հրամայում է պիղծ խառնակության մատնել հավատավոր կույսերին»: Բայց սա չափազանցություն է, մանավանդ երբ նկատի ենք ունենում Գինդի և նրա ընկերների ծավալած վանական-ճգնաժամորական աշխատանքները: Ճիշտ է, որ այդ շրջանից սկսած դադարել է հայ իրականության մեջ կանանց մենաստանների գոյությունը: Մեծն Ներսեսը հիմնել էր բազմաթիվ մենաստաններ կանանց համար և դրանք շրջափակել պարիսպներով՝ կույսերին առեվանգումից պաշտպանելու համար: Նրանք ապատ էին տուրքերից, և նրանց ապրուստը հոգացվում էր պետության կողմից, ինչպես էր մյուս հաստատություններում: Այս միջոցները պետք է նյութապես ապահովելին նրանց, որպեսզի նրանք իրենց ամբողջ ժամանակը անցկացնեին աղոթքներով:

Հավանական է այն, որ Եկեղեցին ժամանակի ընթացքում տեր էր դարձել շատ կալվածքների և մեծ հարստության՝ ապատ լինելով տուրքերից: Ներսես Մեծի ժամանակ գրավել էր շատերին ղեպի վանականությունն ու կուսությունը: Այս բոլորը բնականաբար թուլացնում էր կենտրոնական իշխանություն-

նը, և Պապը աշխատել է չափավորել այն: Պապ է, որ նրա միջոցառումները լավ աչքով չեն դիտվել Եկեղեցու ներկայացուցիչների կողմից:

Բուպանդը ծանոթ է եղել ոչ միայն ճգնաժամների և վանականների վարքերին, այլև նրանց ասույթներին ու նրանց մասին եղած պրոպանդերին, որոնք պահպանվել են «Անապատի հայրերի խոսքերը» անունով գրքերում: Նրանցից Վեր պատմիչը բերում է երկու օրինակ:

Առաջինում պատմվում է, թե երբ Եպիփանը ճամփորդում է իր աշակերտների հետ, հանդիպում է մի կնոջ և փորձելու համար նրանց՝ բացականչում է, թե ի՞նչ գեղեցիկ կին է նա: Աշակերտներից մեկն ասում է, թե նրա աչքի մեկը կոպր է: Եպիփանը հանդիմանում է աշակերտին՝ ասելով. «Դու ինչո՞ւ նայեցիր նրան... ուրեմն քո մեջ չար խորհուրդներ կան»: Այս պատմվել է Եպիփանը հեռացնում է իրենից մանկահասակ աշակերտին¹: Բարսեղ Մեծն ասում է, որ վանականները պետք է վանքում մնան՝ հեռու աշխարհիկ երևույթներից և պետք է խուսափեն աշխարհական մարդկանց հետ շփվելուց: Իսկ եթե անհրաժեշտ լինի ճամփորդել, այդ պետք է ավագներին թողնել, որ նրանք դիմանան փորձությանը:

Ըստ մյուս օրինակի², Եպիփանի հիմնած վանքերից մեկում լինում է մի խստակրոն մենակյաց, որը նույնիսկ չի հաղորդվում մտածելով, թե քահանայի ձեռքին պատարագի ընթացքում գինին Հիսուսի արյան չի վերածվում: Մի օր, երբ քահանան մատուռի մեջ պատարագ է մատուցում, այս անհավատ եղբայրը ներկա է լինում: Պատարագից քահանան, նախքան պատարագելը, խնդրում է Աստծուն, որ բանա այդ անհավատ եղբոր հոգու աչքերը, ապա մատուցում է իր պատարագը: Երբ հասնում է պատարագամատուցի «Հայր մեր»-ին, այս անհավատ եղ-

բայրը սկսում է հրաշք երևույթներ տեսնել. նա տեսնում է, որ Քրիստոսը կանգնած է սուրբ Սեդանի վրա, և նրա կողից արյունը կաթում է բաժակի մեջ: Նա վախենում է, հուպվում, կարմրում և ուշաթափ գետին ընկնում: Քահանան, երբ վերջացնում է պատարագը, իջնում է բեմից և տեսնում եղբորը՝ ուշաթափ ընկած: Նրան ջուր տալով սթափեցնում է: Վերջինս պատմում է տեսածը: Քահանան նրան առաջարկում է հաղորդվել: Սակայն եղբայրը իրեն անարժան է համարում, մտնում է մի փոսի մեջ և յոթ տարի ապաշխարում իր թերահավատության համար, ապա ելնում փոսից ու հաղորդվում:

Այս պատմությունը չի կարող առաջացած լինել շատ վաղ, երբ տակավին չէր սկսվել վանական շարժումը: Մանավանդ պատարագամատուցի հիշատակումը հուշում է, որ այն պետք է չորրորդ դարում առաջացած լինի, որովհետև պատարագամատուցները՝ Աթանասինը, Բարսեղինը, Նապիապանցունը, կապմալորվել են 4-րդ դարում: Մյուս կողմից՝ վանականության վերջնական կապմալորումից ավելի ուշ չէր կարող լինել, որովհետև հավիվ թե այդ ժամանակ լինեին վանականներ, որ համարձակվեին այդպիսի կարծիք հայտնել ու Հաղորդության մասին:

Ճգնավորական շարժման սկզբնավորության ժամանակ մարդիկ Եկեղեցուց անկախ իրենց համար ձգնում էին, առանց կապ ունենալու Եկեղեցու և նրա պաշտոնյաների հետ: Հետևաբար ու Հաղորդությունը, որը կապվում է Եկեղեցու հիմքը, մի տեսակ անտեսվում էր: Եկեղեցին, զգալով այս շարժումը, ինքը կապակերպեց և իր հովանավորության տակ վերցրեց այն: Բերված պատմության նպատակն էլ նույնն է՝ նշել, որ քրիստոնյան, նույնիսկ խստակրոն ճգնավորը, առանց հաղորդության դատապարտված է կորստյան:

ԾԱՆՈԹԱԳՐՈՒԹՅՈՒՆՆԵՐ

¹ Sozomen, The Ecclesiastical History, London, 1891. Book III. ch 14. p. 293.

² Ibid, Aook IV. ch 24. p. 320.

³ Սուրբաթայ սքոլաստիկոսի եկեղեցական պատմություն, աշխատասիրութեամբ Մեսրոպ վ. Տե Մովսես-եան, Վաղարշապատ, 1897, գիրք Բ, գլուխ ԽԳ, էջ 205:

⁴ E. Venebles, article in Dictionary of Christian Biography. London, 1880. Eustathius. Vol. 11. p. 348.

⁵ P. Loofs. Eustathius Von Sebaste und chronologie der Basilus Briefe. Halle 1898. 786 ff. L. Duchesne, Hist. vol. II. p. 303,

⁶ Gribomont, Article. Eustathe in Dictionnaire d'histoire et Géographie Ecclésiastique. Paris 1967. Vol 16, p. 27.

⁷ Բարսեղ Կեսարացին իր 263-րդ նամակում ասում է, որ Եվստատիոսը սովորել է Արիոսի մոտ և հետևել իր ուսուցչին՝ լինելով նրա ամենահավատարիմ աշակերտը. „St. Basil, Letters. Engl. Transl. R. J. Deferrari, Leob Class. Libr, London 1934. Vol IV p. 93 ff. „Αρίου τοῦ ἰδίου διδασκάλου Εὐσταθίου ὁ ἐκ τῆς Σεβαστείας, τὴν κατὰ τὴν μικραν. Ἀρμενίαν, ὃς πάλαι, μαθητευθεὶς τῷ Ἀρίῳ“. Տե՛ս նաև նամակներ № 354 և 313:

⁸ Athanasius Historia ad Monachus. Patrologia Graeca: t. XXV, col 7000 (B).

⁹ Պ. Տեր-Պողոսյան, Ա. Բարսեղ Կեսարացին և իր գրությունները հայերեն թարգմանությամբ, Հանդես Ամսօրյա, 1968, հմր. 10—12, էջ 390: Է. Վենեբլը (E. Venebles, DCB. p. 384) պարզապես ասում է, որ Անտիոքի եպիսկոպոս Եվստաթեոսը մերժել է ձեռնադրել Սեբաստիայի Եվստաթեոսին՝ վերջինիս արիստական լինելու պատճառով:

¹⁰ Պ. Տեր-Պողոսյան, նույն տեղում և Art. Eustathius of Sebaste in New Catholic Encyclopedia USA 1967. Vol V, p. 638.

¹¹ Gribomont, D.H.G.E. p. 27—28.

¹² Sozomen, Book IV. ch. 24. p. 320. cf F. Loofs, Eust. Von Seb. p. 86.

¹³ Gregory Nazianzus, P.G. Vol 29. p. XXIII.

¹⁴ P.G. Vol 45. p. 265 (c).

¹⁵ Basil, Letters, I.222.3; 244.14; compare Migne, Vol 29. p. VI. S. Պետրոսյան, հ. Ա. 1968 էջ 386.

¹⁶ C. Hnffelle, Hist. des Conc. Tome I. Part 2, p. 1044.

¹⁷ Gribomont, D.H.G.E. p. 28 et Le Monachisme au IV^e siècle, p. 401.

¹⁸ G. Bardy, art. Basile Evêque de Césaire in G.H.G.E., Vol VI. p. 113; Basil's Letter № 223 Vol III, p. 293; L. Duchesne, Hist. Vol II. p. 386. ասում է, որ Եվստաթեոսն ու Բարսեղը այցելել են Եգիպտոս, ու նրանց համարում է եգիպտացի վանականների աշակերտներ (էջ 410): Երբ Բարսեղը սկսեց հետևել Եվստաթեոսին, այդ ժամանակ Եվստաթեոսի որդեգրած ճգնողական ուղղությունը Ուղղափառ Եկեղեցու կողմից ոչ մի կասկածի տակ չէր առնվում, այս հարցում աշակերտն ու ուսուցիչը միշտ քայլեցին ձեռք-ձեռքի (էջ 411):

¹⁹ Բարսեղն իր 223-րդ նամակում ասում է. «Իջքան հաճախ դու (Եվստաթեոս) այցելեցիր մեզ՝ Իրիս գետի մոտ գտնվող վանքում, մանավանդ երբ մեր աստվածաձեռն եղբայրը՝ Գրիգորը, ինձ հետ էր՝ հետապնդելով միևնույն նպատակը կյանքում, ինչպես ես... և քանի օրեր մենք միասին անցկացրինք գյուղում՝ իմ մոտ տանը, ապրելով այնտեղ որպես ընկերներ և իրար հետ զիջել ու ցերեկ պուրցելով...»:

²⁰ D. Ammand, L'ascèse monastique de Saint Basile, Essai historique, Mardesous. 1948. pp. 52—61.

²¹ S. Savaille, art. Eustathe, in D.T.C. Vol V. part 2. p. 1565. ասում է, որ Եվստաթեոսը բաճաճ էր ձեռնադրվել ձերմակենեկ եպիսկոպոսի կազմից՝ Նիկիայի հանգաճակը ընդունելուց հետո. DCB. pp. 384—385; Basil's Letter № 237 (Vol III, p. 311). № 263 (Vol IV. p. 93—95) Stud. Patrist. t. II. 1957. p. 401; Athanas in his letter to the bishops of Egypt) հիշում է Եվստաթեոսին արիստական եպիսկոպոսների շարքում, հեռեաբար Եվստաթեոսը եպիսկոպոս ձեռնադրված պետք է լինի 357-ից առաջ: (Athanas' Letter.—Nicene Anti Nicene Fathers Vol IV. p. 226).

²² Բարսեղը խիստ կերպով բողոքում է, որ Եվս-

տաթեոսի կողմից ուղարկված մարդիկ լրտեսներ էին, որոնք հսկում էին իր աշխատանքները և սուտ տեղեկություններ հաղորդում իրենց տիրոջը:

²³ Բարսեղի 212-րդ նամակի Բ մասը և 46 (Vol II, p. 157). Բարսեղը հիշում է Եվստաթեոսին՝ «մեր շատ հարգելի եղբայր և գործընկեր»:

²⁴ Sozomen, Book IV. ch 27. p. 322; Socrates, Book II. ch 45, p. 74. պարզապես ասում է, որ Եվստաթեոսը միացավ Մակեդոնիոսին՝ աստվածաբանական հարցերից ելնելով:

²⁵ B. J. Kidd, A History of the Church to AD. 461. Oxford 1922 Vol III. p. 190.

²⁶ J. Gribomont, Stud. Patrist. part II. p. 414. ... Le prêtre Timothée de Constantinople, notre meilleur témoin des Actes de Side leuradonne entre autre le nom d'Eustathiens; M. Kmosko, Patrologia Syriaca, III. Paris 1926. p. CCXYI. Հովհաննես Դամասկացիի մոզնեսականներին համարում է արիստականներ և Ստաթեոսի ծայրահեղ աշակերտներ:

²⁷ Hefele, Hist. des Conc. Vol I part 2 p. 1029. Վ. Հակոբյան, Կանոնագիրք հայոց, Երևան, ԳԱ, 1964, հտ. 1, էջ 188—201:

²⁸ Ըստ Բարսեղի (Շրկար օրենքներ, հմր. 12, էջ 173), մարդիկ, ովքեր ցանկանում են այսպիսի մի կյանք վարել, պետք է հարցաքննվեն, թե արդյոք նրանց կանայք համաձայն են, թե՛ ոչ, քանի որ, ըստ Ղուկասի (ԺԴ 26), Աստծուն հնազանդությունը ուրիշ բաներից նախապատվել էր: Բայց Renutiatione Saeculi, p. 61 աշխատության մեջ Բարսեղը գրում է, որ ամուսնացածներին կարելի է վիճել միայն իրենց կնոջ հետ հարսերության հարցում: Բայց մյուս պատմիկները յուրի համար նույնն են...:

Աթանասը Ամսիսն ուղղված իր նամակում (Letter XLVIII, Nicene and Anti Nicene Fathers. Vol. p. 557) ասում է, որ կյանքի երկու ձևեր կան. մեկը չափավոր և տվորական, այսինքն՝ ամուսնական կյանքը, մյուսը՝ հրեշտակային, այսինքն՝ կուսակա: Նթե մարդ ընդունի ամուսնական կյանքը, չի մեղադրվելու, բայց և մեծ ընծաներ չի ընդունելու, ինչպես մյուսը: Նա ստանալու է (նվեր), որովհետև ինքն էլ է գտնու տալիս՝ մեկի դեմ երեսուն:

²⁹ Բարսեղն իր կարճ օրենքներում (CXXIX) ասում է, որ պահեցողության ժամերը որևէ անհատի ցանկությամբ չեն դրվում, այլ՝ նրանց կարիքների համար, ովքեր կրոնական կյանք են ընդունել:

³⁰ Hefele, p. 43, "...manteaux grossiers comme ceux queles philosophes affectaient de porter leur mépris pour toute espèce de luxe..." Բարսեղը (Asetic Discourse, p. 138) վաճաճորն է բողոքում որդե, թե վանականները ինչ պետք է հագնեն, իսկ Երկար օրենքներում (ԻԲ) ասում է, որ քրիստոնյան պետք է նույնիսկ իր հագուստներով սարքերով, հագուստները պետք է լինեն պարզ և ծառայեն «մեր ամոթալի տեղերը» ծածկելու, մեզ եղանակից պաշտպանելու համար, ոչ թե ցուցադրության համար:

³¹ Բարսեղն իր «Երկար օրենքներ»-ում ասում է, որ նրանք ամեն տեսակ կերակուր պետք է ուտեն, եթե առիթ ընծայվի, որպեսզի ցույց տան, թե մաքուր մարդկանց համար ամեն ինչ մաքուր է (Sihon U 15):

³² Բարսեղն իր «Երկար օրենքներ»-ում (Longer Rules XL, p 211) ասում է, որ քրիստոնյաները, արդյա՞նք բացի, ուրիշ պատճառով չպետք է լինեն մարտիրոսների գերեզմանների մոտ՝ հիշելով, թե ինչ անս սրբերը իրենց անսպաճավախության պատճառով նույնիսկ մահը հանձն առան, որպեսզի մենք էլ համակենք այդպիսի նախանձախնդրությանը:

Եպիփանը (Epiphane, Advers Haer. P.G. I. XLI. col 505) ասում է, որ արիոսականները մերժում էին մեռելների վրա կատարվող աղոթքները:

³³ Բարսեղը (Morals LXXV (I)) ասում է, որ ծառայողները պետք է հնազանդ լինեն իրենց տերերին, իսկ տերերը պետք է լավ վարվեն իրենց ծառաների հետ՝ հիշելով իրենց ճշմարիտ Տիրոջը:

³⁴ Փ. Բուզանդ, գիրք Գ, գլ. 5:

³⁵ Օրմանյանը (հտ. Ա, էջ 146) Հուսիկիկ ծննդյան թվականը դնում է 295-ին, կաթողիկոսական գահ բարձրանալը՝ 241 թվականին: Քանի որ Հուսիկիկինը մահացել էր նախքան նրա կաթողիկոս լինելը, նրա ապրելաձևը համընկնում էր Գանգրայի ժողովից հետո ընկած ժամանակաշրջանին, ուստի և հնարավոր է դառնում զուգահեռ անցկացնել նրա և Եվստաթեսի միջև:

³⁶ Փ. Բուզանդ, գիրք Գ, գլ. ԺԴ:

³⁷ Փ. Բուզանդ, գիրք Գ, գլ. ԺԱ:

³⁸ F. C. Conybeare, The Key of the Truth Clarendon Press. Oxford 1898. appendix IX p 178—186:

Կոնիբերն ասում է, որ նամակը պետք է գրված լինի Նիկիայի ժողովից հետո, Մակարիոսի մահից առաջ (325—335): Օրմանյանը (Ազգապատում, հտ. Ա, էջ 131) թվագրում է 333—335 թվականների միջև:

³⁹ S. Epiphane, Adversus Haereses, Lib. I. tome III. Haeres XIePG. t. XLI. col 680.

⁴⁰ The key of the truth. p. 181.

⁴¹ Փ. Բուզանդ, գիրք Զ, գլ. 2:

⁴² Փ. Բուզանդ, գիրք Դ, գլ. ԺԲ—ԺԳ:

⁴³ Փ. Բուզանդ, գիրք Զ, գլ. Ե:

⁴⁴ Մալխասյանը Խորենացու թարգմանության վերջում իր տված տախտակի մեջ Արշակի թագավորության սկիզբը դնում է 353 թվականին, իսկ Օրմանյանը (հտ. Ա, էջ 164) նշում է 350 թվականը: Վերջինս ավելի հավանական է թվում: Այն չէր կարող լինել ավելի ուշ Հուլիանոս Ուրացողի ժամանակաշրջանում (361—363), որը հակաքրիստոնեական ուղղություն էր որդեգրել, և ոչ էլ Հովհանոսի խաղաղության դաշինքից (364) հետո:

Աթանասն իր «Արիոսականների պատմությունը» երկում (Nicene-end Anti Nicene Fathers. Volume IV. London, 1892, ch 68, p. 226), նշում է, որ Կոստանդնուղ շատ անարգալից կերպով վարվեց իր Լեդեր՝ Կոստանդի հետ, որի մահից հետո նրա նշա-

նած Օլիմպիային տալիս է բարբարոսների (հայերին):

Նշենք, որ Կոստանդը մահացել է 350 թ., ուստի նրա մահից անմիջապես հետո Կոստանդիոսը Օլիմպիային կնության էր տվել Արշակին:

Ամմիանոսը (Ammianus, XXVII.7.12. Vol II. p 535) ասում է. «...Այս պայմաններին մեկ ուրիշն էլ էր ավելացել, որը շատ կործանարար է անպատկառ էր, այն է... մեր հավատարիմ և վստահելի ընկերոջը՝ Արշակին, երբեք, եթե նա խնդրի, օգնություն չպետք է տրվի ընդդեմ պարսից»:

⁴⁵ Փ. Բուզանդ, գիրք Դ, գլ. Գ: Մ. Խորենացի, գիրք Գ, գլ. Ի:

⁴⁶ Սոփերք, հտ. Զ, էջ 94:

⁴⁷ Օրմանյան, Ազգապատում, հտ. Ա, էջ 163—164:

⁴⁸ Փ. Բուզանդ, գիրք Դ, գլ. Դ:

⁴⁹ Ա. Սուքրյան, Մեծն Ներսես, «Բազմավեպ», 1877. է, էջ 321:

⁵⁰ Փ. Բուզանդ, գիրք Դ, գլ. Գ:

⁵¹ Բուզանդ, գիրք Դ, գլ. Դ: Այս նույն միտքը՝ կրոնավորների և աշխարհականների միջև եղած տարբերությունը, արտահայտում է նաև Բարսեղը. տես. Renuntiatio Saeculi, p. 61.

⁵² Մ. Խորենացի, գիրք Գ, գլ. Ի և Սոփերք, հտ. Զ, էջ 39:

⁵³ Սոփերք, հտ. Զ, էջ 30:

⁵⁴ Ազգապատում, հատ. 806:

⁵⁵ Բուզանդը (գիրք Դ, գլ. ԾԵ) ասում է: որ Խալիբը Մուշեղ Մամիկոնյանի գլխավորությամբ մի պատգամավորություն են ուղարկել Բյուզանդիա: 16-րդ դարում նա պարզապես ասում է, որ Ներսեսը քաջվեց պալատից և ետ չեկավ մինչև Արշակի մահը: Ըստ նույն պատմիչի, երբ Պապը գալիս է Հայաստան, փնտրում է Ներսեսին (գիրք Ե, գլ. Ա):

Ամմիանոսը (XXVI.12.9. Vol III. p 81—3.) եիշում է Պապի ժամանելը Բյուզանդիա՝ մի քանի հետևորդների հետ միասին, շուրջ 368 թ.: Պապը ուղարկվում է Նեոկեսարիա ուսում ստանալու: Հայերը կրկին օգնություն են խնդրում Արանեսի և Կյուլակեի գլխավորությամբ (սրանք մեր Մեհրուժան և Վահան Մամիկոնյան իշխաններն են): Խորենացին (գիրք Գ, գլ. ԼԶ) մի ակնարկություն ունի, որտեղ Ներսես Մեծը օգնություն է խնդրում բյուզանդական կայսրից: Ներսես Մեծը գործոն դեր ուներ բյուզանդացիների օժանդակությամբ Պապին Հայաստանի գահին հաստատելու հարցում: Ներսեսը հավանաբար 368—370 թվականներին գտնվում էր բյուզանդական տահմաններում, այլապես դժվար է բացատրել նրա մասին եղած լուրերը, երբ պարսիկները ավերում էին երկիրը ամենավայրագ ձևով:

⁵⁶ Basil, Letter, № XCIX, Vol II, p 171.

⁵⁷ Ըստ Փ. Բուզանդի (գիրք Ե, գլ. ԻԴ), Ներսես Մեծի մահից հետո Պապը Հուսիկին կաթողիկոս է նշանակում, առանց նրան Կեսարիա ուղարկելու ձեռնադրության համար: Կեսարիայի եպիսկոպոսը մի շողով է գումարում և մի խիստ նամակ գրում Հուսիկ կաթողիկոսին և Պապ թագավորին: Այդ ժամա-

նակից, ասում է Բուզանդը, հայոց կաթողիկոսը ոչ մի իշխանություն չունեի, բացի թագավորի սեղանը օրհնելուց: Իսկ Խորենացին (գիրք Գ, գլ. ԼԹ) պարպապես նշում է, որ Պապը գտավ Աղբիանոսի տոհմից Սահակին, «վոր կացոյց փոխանակ Ներսեսի առանց մեծի արքեպիսկոպոսին Կեսարու»:

Իհարկե, եթե Բուզանդը ճիշտ լիներ, այդ դեպքում մենք գոնե մի ականարկություն կգտնեինք Բարսեղի նամակներում աչա հարցի մասին, որովհետև նա էր ժամանակի եպիսկոպոսը: Եթե Բարսեղը՝ Կեսարիայի Աթոռի ամենից նշանավոր եպիսկոպոսը, գերիշխանություն չունեի հայոց կաթողիկոսի նկատմամբ, ապա ո՛չ նրա հաջորդները և ո՛չ էլ նախորդները այդպիսի հավակնություն չէին կարող ունենալ, ինչպես ոմանք ձգտում են ցույց տալ: Եղածը պարզապես մի տեսակ հարգանքի տուրք էր այն Աթոռին, որի կողմից Լուսավորիչը եպիսկոպոս էր ձեռնադրվել:

⁵⁸ Basil, Letter No, XCIX. vol II, p. 173.

⁵⁹ Ibid No C. p. 183.

⁶⁰ Ibid No CCXXXIX. p. 417.

⁶¹ Ibid No CXX. p. 249.

⁶² Ibid No CXXI. p. 251.

⁶³ Ibid No CBLXIII.

⁶⁴ Փ. Բուզանդ, գիրք Ե, գլ. ԻԱ:

⁶⁵ Մ. Խորենացի, գիրք Գ, գլ. Ի:

⁶⁶ Փ. Բուզանդ, գիրք Դ, գլ. ԺԲ: Մ. Խորենացի, գիրք Գ, գլ. ԼԱ: Խաղին բաղդատում է Եղիայի և Եղիսեյի հետ:

⁶⁷ Հետաքրքիր է, որ Բուզանդը (Գիրք Դ, գլ. ԺԲ) ասում է, թե նա իր աղջիկներից մեկին ամուսնացրել էր ոմն Ասրակի հետ և սա «իր աներոջ մահից հետո նրա Աթոռին նստեց»: Եթե սրանով պետք է հասկանալ, որ Ասրակը եպիսկոպոսական Աթոռ է նստել, սա կարելի է վերջին ականարկություններից մեկը համարել ամուսնացյալ եպիսկոպոսների մասին Հայտատանում Դ դարի վերջերին:

⁶⁸ Փ. Բուզանդ, գիրք Ե, գլ. ԻԷ:

⁶⁹ Փ. Բուզանդ, գիրք Զ, գլ. ԺԶ:

⁷⁰ Փ. Բուզանդ, գիրք Ե, գլ. ԼԱ: Սովինք, հա. Զ, էջ 116:

⁷¹ Բուզանդ, գիրք Ե, գլ. ԻԷ:

⁷² Փ. Բուզանդ, գիրք Ե, գլ. ԻԸ:

